



## Terenga 4: Hōtaka 49 - Te Reo ā-Tuhi

### He Mihi

Rarau mai anō, kei aku manu whakataka pōkai i te ata hāpara, ki tēnei rongohua o te reo, e rangona ai te rerehua me te rongomaiwhiti o tēnei puiaki tuaukiuki.

### Hei Mahi Whakarongo

Kua roa te kuia nei, a Kaa Williams, nō roto o Tūhoe, e whakaako ana i te reo ki ngā taurira hiakai o Te Wānanga Takiura. Inā te māhaki o te reo me te māiri o te ngākau o tēnei kuia. Anei ngā pātai hei whakautu mā koutou i a koutou e tere ana i te āiopīpī o ana kōrero:

- 1) E hāngai ana āna whakamārama ki te aha?
- 2) He aha kei roto i te manatawa?
- 3) He aha tō te manapou āhua?

### He Whakamārama

#### Tētehi Whakapapa mō Te Reo ā-tuhi

**pū** – oropuare / orokati

**Kū** – te hononga o Oropuare rāua ko Orokati

**Pū** – ngā kupu whakapūrangiaho

**Tū** – ngā kupu kawē i te matū o te whakaaro

**Kiāngā** – he haumi

**Rerenga** – he hononga haumi / he takere

**Kōwae** – he huinga rerenga e hāngai ana ki te kaupapa kotahi

**Kārawarawa** – he tohu ā-tuhi hei whakawehe i ngā whakaaro i roto i te kōrero, hei whakamārama rānei i te kōrero. (hei taurira: tohu pātai, piko, ira kati, pū matua)

### Hei Mahi

Tuhia he whakapapa hei whakaahua i te whakapapa o te ako.

### Whakautu:

*Mā te titiro me te whakarongo ka mārama.*

*Mā te mahi ā-ringa, ka mātau.*